
CYD-BWYLLGOR CORFFOREDIG Y GOGLEDD

17 Ionawr, 2025

TEITL: Cynllun Trafnidiaeth Rhanbarthol Gogledd Cymru
– Achos dros Newid a Chynllun Ymgysylltu â Rhanddeiliaid

AWDUR: Alwen Williams, Prif Weithredwr Dros Dro y Cyd-bwyllgor Corfforedig
David Hole, Rheolwr Rhaglen Gweithredu'r Cyd-bwyllgor Corfforedig

1. PWRPAS YR ADRODDIAD

- 1.1. Pwrpas yr adroddiad yw cyflwyno Achos dros Newid a Chynllun Ymgysylltu â Rhanddeiliaid Cynllun Trafnidiaeth Rhanbarthol y Gogledd. Cymeradwywyd y ddau Gynllun gan yr Is-bwyllgor Trafnidiaeth Strategol ar 16 Rhagfyr 2024. Mae'r ddau gynllun yn gam gweithdrefnol beirniadol wrth ddatblygu Cynllun Trafnidiaeth Rhanbarthol Gogledd Cymru drafft presennol a chreu'r sylfaen angenrheidiol i ddechrau ymgynghoriad cyhoeddus ar 20 Ionawr 2025.

2. Y PENDERFYNIAD A GEISIR

- 2.1. Cymeradwyo'r Achos dros Newid gan gynnwys y Cynllun Ymgysylltu â Rhanddeiliaid
- 2.2. Cefnogi dechrau ymgynghoriad cyhoeddus ar y Cynllun Trafnidiaeth Rhanbarthol drafft.

3. Y RHESWM DROS Y PENDERFYNIAD

- 3.1. Yn sgil Deddf Llywodraeth Leol ac Etholiadau (Cymru) 2021, mae Rheoliadau Cyd-bwyllgor Corfforedig y Gogledd 2021 yn trosglwyddo'r swyddogaeth o ddatblygu polisiau trafndiaeth mewn perthynas ag ardal pob un o'i chynghorau cyfansoddol i'r Cyd-bwyllgor Corfforedig. Mae datblygu a gweithredu Cynllun Trafnidiaeth Rhanbarthol yn swyddogaeth statudol a weithredir gan y Cyd-bwyllgor Corfforedig drwy ei is-bwyllgor, gyda chefnogaeth y Canllawiau i Gyd-bwyllgorau Corfforedig ar Gynlluniau Trafnidiaeth Rhanbarthol (Fersiwn 2) 2023. Mae'r Achos dros Newid gan gynnwys y Cynllun Ymgysylltu â Rhanddeiliaid yn rhan allweddol o'r broses o ddatblygu Cynllun Trafnidiaeth Rhanbarthol ar gyfer rhanbarth y Gogledd.

4. CEFNDIR AC YSTYRIAETHAU PERTHNASOL

- 4.1. Mae Cyd-bwyllgorau Corfforedig wedi'u ffurfio i hyrwyddo cydweithredu rhanbarthol drwy fframwaith cyson a reolir yn ddemocrataidd. Mae'n ofynnol i Gyd-bwyllgorau Corfforedig gydymffurfio â holl ddyletswyddau cyrff cyhoeddus ac mae ganddynt ddyletswyddau statudol penodol gan gynnwys cyflawni swyddogaeth paratoi a chymeradwyo Cynlluniau Trafnidiaeth Rhanbarthol. Ar gyfer Gogledd Cymru, mae'n rhaid i'r Cyd-bwyllgor Corfforedig ddatblygu polisiau trafndiaeth i weithredu Llwybr Newydd: Strategaeth Drafnidiaeth Cymru 2021, gan ddarparu gweledigaeth hirdymor ar gyfer y 25 mlynedd nesaf. Mae'r gwaith hwn yn cael ei

wneud ar y cyd ar draws y chwe awdurdod lleol sy'n ffurfio Aelodaeth Cyd-bwyllgor Corfforedig y Gogledd, a chynrychiolwyr o Awdurdod Parc Cenedlaethol Eryri a Thrafnidiaeth Cymru.

- 4.2. Cyflwynwyd cyd-destun polisi i aelodau'r Is-bwyllgor ar gyfer yr achos dros newid yn y cyfarfod ar 1 Hydref. Mae gwaith wedi'i wneud i gwmpasu'r datganiad gweledigaeth, amcanion SMART a themâu trawsbynciol yn yr achos dros newid, sy'n nodi nod y Cynllun Trafnidiaeth Rhanbarthol. Mae'n defnyddio Strategaeth Drafnidiaeth Cymru a chynlluniau strategol cyfredol eraill, yn ogystal â gwybodaeth gyfredol am faterion a chyfleoedd gan gynnwys cynlluniau blaenorol. Mae'r Cynllun Ymgysylltu â Rhanddeiliaid fel rhan o'r Achos dros Newid yn dangos pwy fydd yn rhan o ddatblygu'r RTP a sut y byddant yn cymryd rhan, gan gynnwys manylion y broses ymgynghori a mecanweithiau ymgysylltu eraill.
- 4.3. Cyflwynwyd yr Achos dros Newid drafft ar gyfer y Cynllun Trafnidiaeth Rhanbarthol, gan gynnwys y weledigaeth a'r amcanion drafft, i'r Cyd-bwyllgor Corfforedig ar 22 Mawrth 2024. Ers hynny, mae'r amcanion hyn wedi'u mireinio a'u cryfhau i bedwar amcan penodol, mesuradwy, cyraeddadwy, realistig ac amserol (SMART) gyda phum thema trawsbynciol sy'n cael eu hystyried yn hanfodol er mwyn helpu i gyflawni'r weledigaeth a'r amcanion.
- 4.4. Argymhellodd yr Is-bwyllgor Trafnidiaeth Strategol ar 1 Hydref y dylai'r Cyd-bwyllgor Corfforedig fabwysiadu datganiad Gweledigaeth, amcanion SMART, a themâu trawsbynciol Cynllun Trafnidiaeth Rhanbarthol y Gogledd i'w cynnwys yn yr Achos dros Newid drafft a gyflwynwyd ac i'r drafft gael ei ddiweddarau a'i gyflwyno i'r Is-bwyllgor yn ei gyfarfod nesaf ac yn Themâu trawsbynciol i'w gynnwys yn yr Achos Newid drafft a gyflwynwyd ac i'r drafft gael ei ddiweddarau a'i gyflwyno i'r Is-bwyllgor yn ei gyfarfod nesaf. Hefyd, gofynnwyd i'r is-bwyllgor nodi'r Cynllun Ymgysylltu â Rhanddeiliaid drafft a gyflwynwyd, y mae'n rhaid ei baratoi i gefnogi'r Cynllun Trafnidiaeth Rhanbarthol ac argymhell unrhyw ystyriaethau ychwanegol y dylid eu cynnwys. Ar 16 Rhagfyr, cymeradwyodd yr is-bwyllgor fersiynau wedi'u diweddarau o'r Achos dros Newid a'r Cynllun Ymgysylltu â Rhanddeiliaid ac argymhellodd bod pob Cyngor cyfansoddol yn rhan o'r broses ymgynghori, yn hyrwyddo'r Cynllun Trafnidiaeth Rhanbarthol drafft a'r ymatebion i'r ymgynghoriad.
- 4.5. Lluniwyd y ddwy ddogfen mewn partneriaeth â Trafnidiaeth Cymru (Achos dros Newid) ac ARUP (Cynllun Ymgysylltu â Rhanddeiliaid). Gofynnir i'r Cyd-bwyllgor Corfforedig ategu cymeradwyaeth y ddwy ddogfen wrth i'r rhaglen gwblhau datblygu'r Cynllun Trafnidiaeth Rhanbarthol drafft, Cynllun Cyflawni Trafnidiaeth Rhanbarthol, Arfarniad Llesiant Integredig a'i sail tystiolaeth ategol i symud tuag at ymgynghoriad cyhoeddus gyda tharged cychwyn o 20 Ionawr 2025 (am 12 wythnos). Efallai y bydd mân ddiwygiadau technegol i'r cynlluniau hyn fel rhan o gwblhau'r gwaith, a bydd unrhyw beth sy'n newid cyfeiriad strategol neu gynnwys yr hyn sy'n cael ei gytuno yn cael ei ddwyn yn ôl gerbron yr Aelodau.
- 4.6. Mae'r ymgynghoriad yn cael ei gynnal fel ymgynghoriad cyhoeddus ac yn unol â'r Rheoliadau Asesiad Amgylcheddol Strategol, o ystyried bod yr Arfarniad Llesiant Integredig yn cael ei baratoi i fodloni'r Rheoliadau hynny, ynghyd â'r asesiadau effaith ehangach yn cynnwys, ond heb eu cyfyngu, i'r rhai sy'n helpu i fodloni Deddf Cydraddoldeb 2010 a'r Rheoliadau Cynefinoedd. Yn unol â chanllawiau Llywodraeth Cymru ar ymgynghoriadau cyhoeddus, bydd y cyfnod ymgynghori yn 12 wythnos, gan redeg o 20 Ionawr i 14 Ebrill 2025. Ar gyfer dibenion Asesiad Amgylcheddol Strategol yng Nghymru, mae Llywodraeth Cymru wedi dynodi Cadw a Chyfoeth Naturiol Cymru fel 'Cyrff Ymgynghori', sy'n rhaid ymgynghori â nhw yn ystod y broses

Asesiad Amgylcheddol Strategol, bydd yr ymgynghoriad cyhoeddus ar agor i bob unigolyn a sefydliad i ymateb iddo. Bydd yr holl adborth yn cael ei ystyried yn ofalus, a bwriedir i'r dogfennau wedi'u diweddarau gael eu cynhyrchu gan ymdrin â'r adborth fel sy'n briodol.

5. GOBLYGIADAU ARIANNOL

- 5.1. Bydd costau'n cael eu tynnu o gyllidebau presennol Cyd-bwyllgor Corfforedig y Gogledd gyda'r gefnogaeth angenrheidiol gan dimau Cyfreithiol a Chyllid Cyngor Gwynedd.

6. GOBLYGIADAU CYFREITHIOL

- 6.1. Mae Rheoliadau Cyd-bwyllgor Corfforedig y Gogledd 2021 yn nodi'r ddyletswydd ar y Cyd-bwyllgor Corfforedig i ddatblygu polisiau ar gyfer hyrwyddo ac annog trafndiaeth ddiogel, integredig, effeithlon ac economaidd. Wrth weithredu'r swyddogaeth hon, cânt y dasg o ddatblygu a gweithredu polisiau trafndiaeth ar gyfer eu hardal o Strategaeth Drafndiaeth Cymru 2021. Mae datblygu a gweithredu Cynllun Trafndiaeth Rhanbarthol yn swyddogaeth statudol a weithredir gan y Cyd-bwyllgor Corfforedig drwy ei is-bwyllgor, gyda Chynllun Trafndiaeth a chymeradwyaeth polisi yn cael ei gadw gan y Cyd-bwyllgor Corfforedig.

ATODIADAU:

- | | |
|-------------------|--|
| Atodiad 1: | Achos dros Newid gan gynnwys Atodiad 1 y Cyd-destun Polisi |
| Atodiad 2: | Cynllun Ymgysylltu â Rhanddeiliaid
<i>[Atodiadau technegol ar gael ar gais – Atodiad 2 Data Cefndir ac Ymchwil]</i> |
| Atodiad 3: | Cynllun Trafndiaeth Rhanbarthol Drafft |

YMATEB Y SWYDDOGION STATUDOL:

i. Swyddog Monitro.

"Mae'r adroddiad wedi bod yn destun mewnbwn cyfreithiol. Rwy'n fodlon â'i briodoldeb."

ii. Swyddog Cyllid Statudol:

"Nid oes gennyf unrhyw wrthwynebiad i'r penderfyniad a geisir o safbwynt priodoldeb ariannol. Rwy'n disgwyl i'r gwaith o ddatblygu'r cynllun gael ei gwblhau o fewn cyllideb y Cyd-bwyllgor Corfforedig."